

UGOVOR

o vršenju usluga održavanja klima komora i drugih klima uređaja

zaključen između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa direktor Ismeta Džigal - Berkovac, direktor (u daljem tekstu: kupac)

i

TI-TERMOENERGETSKI INŽINJERING d.o.o. Sarajevo, Plandište 14, lidža - Sarajevo, kojeg zastupa Hodžić Muris, direktor (u daljem tekstu: prodavac)

I OPĆE ODREDBE

Član 1.

Ovim Ugovorom je regulisan predmet Ugovora, prava i obaveze ugovornih strana, način vršenja usluga, plaćanje, važnost Ugovora.

II PREDMET UGOVORA

Član 2.

Predmet Ugovora su usluge održavanja klima komora i drugih klima uređaja kako je i navedeno u specifikaciji ponude.

Ukupna cijena ponude u postupku javnih nabavki putem direktnog sporazuma iznosi 4.210,00 KM bez PDV-a, odnosno 4.925,70 KM sa PDV-om.

III PRAVA I OBAVEZE UGOVORNIH STRANA

Član 3.

Prodavac se obavezuje da će po nalogu kupca izvršiti usluge održavanje klima komora i drugih klima uređaja kako je i navedeno u članu 1. ovog Ugovora pod uslovima utvrđenim ovim Ugovorom i važećim standardima odnosno zakonima.

Član 4.

Ukoliko iz opravdanih razloga prodavac ne može da postupi po nalogu i uputstvu kupca, dužan je da bez odlaganja o tome izvjesti kupca, a u protivnom, odgovoran je za pretrpljenu štetu nalogodavcu.

Član 5.

Obaveze kupca su da po izvršenim uslugama prodavcu isplati ugovoreni novčani iznos koji je naveden u ponudi i u članu 2. ovog ugovora.

IV USLOVI PLAĆANJA

Član 6.

Za vršenje poslova iz člana 2. ovog Ugovora sačinjen je cjenovnik koji je sastavni dio Ugovora, a koji pored ostalog sadržava vrstu poslova i cijenu za svaku uslugu, odnosno sredstvo.

Član 7.

Naknada se isplaćuje nakon izvršenih usluga u roku od 60 dana po ispostavljenoj fakturi na osnovu narudžbenice prodavca.

Član 8.

Kupac se obavezuje da će plaćanje izvršiti u korist prodavca nakon ispostavljenе fakture putem UniCredit banke na transakcijski račun, broj 3389002206998621.

V - VAŽNOST I TRAJANJE UGOVORA

Član 9.

Ugovorne strane su se sporazumjele da se obavljanje usluga koje su predmet ovog Ugovora izvrše do kraja 2023.godine.

Član 10.

Ugovor je punovažan nakon potpisivanja obje strane. Promjene uslova ovog ugovora mogu biti izvršene samo u pismenoj formi.

VI PRELAZNE I ZAVRŠNE ODREDBE

Član 11.

Ugovorne strane će eventualne sporove rješavati međusobnim dogovorom. Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 11.

Svi elementi ovog Ugovora spadaju u poslovnu tajnu i ovaj princip treba da poštuju obje strane.

Član 12.

Ugovor je sačinjen u četiri istovjetna primjerka od kojih po dva pripadaju ugovornim stranama.

